

# **VEDTEKTER – TILSKOT TIL YMSE JORD- OG SKOGBRUKSFØREMÅL**

**Vedtatt av Hemsedal kommunestyre sak 79/16 i møte 29.09. 2016**

## **Generelle retningslinjer:**

1. Søknadsfrist 1. oktober.
2. Dei einstilte tiltakspunkta er ikkje sett opp i prioritert rekkefølge, men tilskot til nydyrking, grøfting og tiltak på stolar med aktiv støling har 1. prioritet før andre søknadar ved tilskotsbeløp utover ramma. Ved behov for ytterlegare prioritering vert søkjarar som søker om produksjonstilskot prioritert. Om det er trong for ytterlegare prioritering vert dette lagt fram som utvalssak til Hovudutval for plan- og ressurs.
3. Overskriding av tilskotsramma skal ikkje førekoma.
4. Søkjar skal leggast fram sluttrekneskap ved utbetaling av tilskot.
5. Administrasjon av tilskotsordninga vert delegert til administrasjonen. Hovudutval for plan- og ressurs vert orientert om vedtak etter forskrifta i form av meldingssaker.
6. I særlege høve kan krav sett i forskrifta avvikast dersom dette er godkjent av Hovudutval for plan- og ressurs.
7. Vedtak etter forskrifta er einskildvedtak, og kan påklagast i tråd med forvaltningslova kapittel VI.

## **I. Tilskot til fulldyrking**

Tilskot til dyrking kan løyvast inntil bruket har 300 daa eigen fulldyrka mark. Samla tilskot til fulldyrking over ein treårs periode (dei to føregåande år + søknadsåret) for eit bruk skal ikkje overstige kr 100 000,-. Dyrkingsplanen må vera godkjent av landbrukskontoret, og skal seinare synfarast før sluttutbetaling. Dyrkingsplanen må ha ei kostnadsramme på meir enn kr. 5000,- pr. daa og omfatte meir enn 3 daa før tilskot kan gjevast. Tilskotet vert gjeve med kr. 4000,- pr. daa.

## **II. Tilskot til grøfting av tidlegare dyrka jord og beite**

Grøftingsplanen må vera på minst 3 daa for å kunne få tilskot. Høgaste godkjente tilskot for tidlegare grøfta mark er kr. 5000,- pr. daa. For beitemark kr 2500,- pr. daa. Tilskot kan gjevast med maksimalt 40% av godkjent kostnadsoverslag. Samla kommunalt tilskot til grøfting over ein treårs- periode for eit bruk (dei to føregåande + søknadsåret) skal ikkje overstige kr. 75 000,-. Grøfteplanen skal godkjennast av landbrukskontoret og seinare synfarast før sluttutbetaling. Ein gjev ikkje tilskot til planar med røyr diameter på over 8 tommar.

Om tiltaket også mottek statstilskot til grøftinga skal ikkje samla tilskot til tiltaket overstige 50% av faktisk kostnad.

## **III. Tilskot til fjerning av gamle beitegjerde**

Tilskotet kan utgjera maksimalt 50% av kostnadsoverslaget.

#### **IV. Tilskot til spesielle miljøtiltak i jordbruket**

Tilskotet kan utgjere opptil 30% av godkjent kostnadsoverslag. Høgaste tilskot for kvart prosjekt er kr. 20 000. Samla tilskot frå SMIL ordninga og tilskot frå ymse jord- og skogbruksformål skal ikkje overstige 50% av faktisk kostnad.

Tilskot kan gjevast til både fellestiltak og enkelttiltak. Fem ulike formål er aktuelle:

- a. Utvikle / bevare biologisk mangfald
- b. Beiterydding
- c. Bevare og bruke kulturminne
- d. Ferdselstiltak
- e. Utvendige tiltak på verneverdige bygningar.

Tilskotet utgjera inntil 30% av godkjent kostnadsoverslag. Høgaste tilskot for eit prosjekt er kr. 20 000,-.

#### **V. Stipend til ungdom, og andre frå Hemsedal som ønskjer å utdanne seg innafør landbruket.**

Det kan gjevast stipend til ungdom og andre frå Hemsedal som utdannar seg innafør landbruket (vidaregåande skule), og som har bestått VG2, påbyggingsår med landbruk etter allmennfaglig studieretning eller tilsvarande. (Td: 1 årig agronomkurs, også agronomkurs for vaksne) Kvar einskild søkjar kan motta stipend ein gong, maksimalt kr. 15 000 pr. søkjar. Det er eit krav at utdanninga primært er retta mot tradisjonell landbruksdrift. Utdanning særleg retta mot utmarksfag og landbruksretta attåttnæringar kjem også innunder ordninga.

#### **VI. Vasskvalitet på gardsbruk.**

Bruk som ikkje har godkjent vatn heime eller på stølen kan søkje om tilskot til tiltak som fører til godkjenning frå Mattilsynet. Tilskot kan gis med inntil 25% av godkjent kostnadsoverslag. Høgaste tilskot for kvart prosjekt er kr. 20 000,-.

#### **VII. Ombygging av driftsbygningar til bruk i tilleggsnæring**

Det er eit krav at tiltaket er i tråd med kommuneplana, eller at det er søkt og gjeve dispensasjon frå denne. Kostnadsoverslag med plan for drifta, som viser forventa økonomi dei tre første driftsåra skal ligge ved. Tilskot kan gis med inntil 25% av godkjent kostnadsoverslag. Høgaste tilskot til kvart prosjekt er kr. 30 000,-.

#### **VIII. Foredling av råstoff frå lokalt landbruk**

Det kan gis tilskot til prosjekt som går ut på foredling av råstoff frå lokalt landbruk. Slike prosjekt vil ofte vera store og er søknadar som vert fremma til Innovasjon Norge. Det kommunale tilskotet er i fyrste rekke tenkt til forprosjekt for småskalaproduksjon av mat. Kostnadsoverslag skal ligge ved. Tilskotet kan gis med inntil 25% av godkjent kostnadsoverslag. Høgast tilskot for kvart prosjekt er kr. 30 000,-.

#### **IX Tilskot til sperregjerde i utmark.**

Tilskotet kan ytast til felles sperregjerde i utmark for å forebygge beiteproblematikk. Søknaden skal innehalde avtale om ansvar for vedlikehald / eventuell seinare fjerning av

gjerde. Tilskot kan gjevast med inntil 25 % av godkjent kostnadsoverslag. Høgaste tilskot for kvart prosjekt er kr. 30 000,-.

#### **X Kommunalt tilskot til investering i samband med støling.**

Tilskotet kan gjevast til investering i fast driftsapparat og driftsbygning. Det skal vera stølar med mjølkeproduksjon som er i tråd med RMP (Regionalt miljøtilskot) sine retningslinjer for å få stølstilskotet. Tilskot kan ytast med inntil 25% av godkjent kostnadsoverslag, og tilskotet skal ikkje overstige kr. 30 000,-.

#### **XI Tilskot til Utmarksoppsyn barmarksesong**

Tilskotet skal bindast opp til oppsyn i barmarksesong. Tilskot kan gis i etterkant etter årleg søknad med rapport frå sesongen. Tilskotet kan ytast med inntil kr. 30 000,- pr. år.

#### **XII Tilskot til vedlikehald av skogsvegar med fokus på auka nedbør og erosjon.**

Godkjente skogsvegar (ikkje nødvendigvis bil standard) kan få tilskot til grøfting/grøfte-rensk ta igjen og/eller bytte stikkrenner for å førebygge problem med auka nedbør og erosjon i utmark. Tilskot kan gis til tiltak med kostnadsoverslag over kr 5000. Tilskot kan gjevast etter kostnadsoverslag med 25% av kostnad, og med maksimalt kr. 20 000,- pr. tiltak.

#### **XIII Tilskot til skogplanting og ungskogpleie**

Kommunen sitt tilskot er kr. 1 pr. utsett plante. Tilskot til utført ungskogpleie er kr 100/daa. Tiltaka skal dokumenterast med kart og/eller teig og bestandsnummer i skogbruksplan. Tilskotet går i sin heilskap tilbake til skogeigaren sin skogfondkonto. Samla tilskot til eit enkelt bruk skal ikkje overstige kr. 20 000 pr. år.

#### **XIV. Andre viktige tiltak for landbruket**

Det kan i særskilte høve gis tilskot til tiltak som vert vurdert til å vera viktige for landbruket i Hemsedal i tråd med vedteken næringsplan. Fellestiltak kan koma inn under dette punktet. Eit anna eksempel er kurs i samband med eigedomsoverdraging. Kostnadsoverslag skal ligge ved. Tilskot kan gis med inntil 50% av godkjent kostnadsoverslag. Høgste tilskot for kvart prosjekt er kr. 20 000,-.